



**Хэвлэлийн мэдээ**  
2017 оны 5-р сарын 8

**Холбогдох утас:**  
9710-9009

### **АмЧамын Америк руу Хийх Бизнес Айлчлалыг АНУ-ын Элчин Сайд Удирдана**

УЛААНБААТАР, Монгол улс - Монгол дахь Америкийн Худалдааны Танхим (АмЧам) нь 2017 оны 6-р сарын 12-14-ний өдрүүдэд жил бүр Вашингтон хотноо зохион байгуулдаг АНУ руу хийх бизнес айлчлалыг АНУ-аас Монгол улсад суугаа Онц бөгөөд Бүрэн Эрхт элчин сайд хатагтай Женифер Зимдал Галтын удирдлага дор Америкийн Нэгдсэн Улс (АНУ) болон Монгол Улс хооронд дипломат харилцаа үүсч хөгжсөний 30 жилийн ойн хүрээнд зохион байгуулах гэж байна. Энэхүү айлчлалын бүрэлдэхүүнд Монгол Улсын Гадаад харилцааны сайд ноён Ц. Мөнх-Оргилоор ахлуулсан Монгол улсын Засгийн газрын төлөөлөгчид оролцоно.

АНУ-Монгол Улсын хооронд бизнесийн түншлэлийг өргөжүүлэх хүчин чармайлтын хүрээнд АмЧам Монгол нь 2014 оноос хойш жил бүр уламжлал болгон энэхүү бизнес айлчлалыг зохион байгуулж байна. Энэхүү Бизнес айлчлал нь АНУ-ын болон Монголын бизнес эрхлэгчид, хөрөнгө оруулагчдад бизнесийн харилцаа тогтоох, Монгол Улсад Америкийн хөрөнгө оруулалтыг татах зэрэг ховор боломжуудыг олгодог юм.

Бизнес айлчлалын төлөөлөгчид нь АНУ-ын хууль тогтоох болон гүйцэтгэх засаглалын нөлөө бүхий төлөөлөлтэй уулзаж Монгол Улсад чухал хэрэгтэй санаачлага болон бодлогын асуудлуудыг хэлэлцэх, АНУ-ын бизнесийн болон төрийн томоохон албан тушаалтнуудын хамт тусгай арга хэмжээнүүдэд оролцох, бизнесийн түншлэлийн харилцаа тогтоох болон санхүүжилтийг эрэлхийлэх томоохон боломжуудыг олгодог юм.

Бизнес айлчлалын үеэр АНУ-ын Төлөөлөгчдийн Танхим ба Сенат, Худалдааны Танхим, Хилийн Чанад дахь Америкийн Хувийн Хөрөнгө Оруулалтын Корпораци, Эксим банк, Худалдааны яам, Төрийн департамент, Хөдөө аж ахуйн яам, Худалдааны Төлөөлөгчийн Газар, Сангийн яам, Худалдаа Хөгжлийн Агентлаг зэрэг АНУ-ын төр болон хувийн хэвшлийн нөлөө бүхий байгууллагуудын төлөөлөл мөн Монгол Улсын Засгийн газрын албаны хүмүүс, Монгол Улсаас АНУ-д Суух Онц Бөгөөд Бүрэн Эрхт элчин сайд, Монголд хөрөнгө оруулах сонирхолтой хөрөнгө оруулагчид болон бусад бизнесийн төлөөлөлтэй хийх уулзалтуудад оролцох болно.

Бизнес айлчлалд оролцох сонирхолтой бизнес эрхлэгчид болон компаниуд, АмЧам Монгол байгууллагатай [info@amcham.mn](mailto:info@amcham.mn) болон +976 7000-3437 утсаар холбогдон дэлгэрэнгүй мэдээлэл авах боломжтой

### **АмЧам Монголын тухай**

АмЧам Монгол нь АНУ-Монгол Улс хоорондын бизнесийн түншлэлийг өргөжүүлэх, бэхжүүлэх, эрх ашгийг нь хамгаалах болон Америкийн хөрөнгө оруулалтыг Монголд татах чиглэлээр ажилладаг бие даасан, гишүүддээ үйлчлэх төрийн бус байгууллага юм. АмЧам Монгол нь 3 сая гаруй гишүүдтэй дэлхийн хамгийн том бизнесийн холбоонд тооцогддог Америкийн Худалдааны Танхимын албан ёсны оффис юм. Мөн АмЧам Монгол нь Ази Номхон далайн 29 орнуудын Америкийн худалдааны танхимуудыг нэгтгэдэг Ази Номхон далайн орнуудын Америкийн Худалдааны Танхимуудын Зөвлөл байгууллагын гишүүн юм.